

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

**o ocjeni dopuštenosti koncentracije privrednih subjekata Sejari d.o.o. Sarajevo i
Centrotrans-Eurolines d.d. Sarajevo**

Sarajevo, maj, 2020. godine



Broj: UP 03-26-2-035-9/19
Sarajevo, 28.05.2020. godine

Konkurencijsko vijeće Bosne i Hercegovine je na osnovu člana 25. stav (1) tačka e), člana 42. stav (1) tačka d), u vezi s članom 12., 14., 16., 17., i 18. te članom 49. stav (1) tačka b) Zakona o konkurenciji («Službeni glasnik BiH», br. 48/05, 76/07 i 80/09), u postupku pokrenutom po službenoj dužnosti Zaključkom broj: UP-03-26-2-035-1/19 od 23.04.2020. godine radi ocjene koncentracije, nastale poslije objave javne Ponude za kupovinu dionica privrednog subjekta Centrotans-Eurolines d.d. Sarajevo, Kurta Schorka 14, 71000 Sarajevo, koju je dana 24.07.2019. godine putem dnevnih novina objavio privredni subjekt Sejari d.o.o. Sarajevo, Blažuj 78, Ilidža, Sarajevo, na 69. (šezdesetdevetoj) sjednici održanoj dana 28.05.2020. godine, donijelo

R J E Š E N J E

1. Ocjenjuje se dopuštenom koncentracija na tržištu prevoza putnika u autobuskom saobraćaju u Bosni i Hercegovini, koja je nastala sticanjem kontrole privrednog subjekta Sejari d.o.o. Sarajevo, Blažuj 78, Ilidža, Sarajevo, nad privrednim subjektom Centrotans-Eurolines d.d. Sarajevo, Kurta Schorka 14, 71000 Sarajevo.
 2. Utvrđuje se da privredni subjekt Sejari d.o.o. Sarajevo, Blažuj 78, Ilidža, Sarajevo nije podnio Prijavu koncentracije u zakonom predviđenom roku, u smislu člana 16. stav (1) Zakona o konkurenciji.
 3. Radi nepodnošenja Prijave koncentracije u Zakonom predviđenom roku, u smislu člana 16. stav (1) Zakona o konkurenciji izriče se jedinstvena novčana kazna privrednom subjektu Sejari d.o.o. Sarajevo, Blažuj 78, Ilidža, Sarajevo u iznosu od 20.000,00 KM, koju je dužan platiti u roku od 8 dana od primitka ovog rješenja.
 4. U slučaju da privredni subjekt izrečenu novčanu kaznu iz tačke 3. dispozitiva ovog Rješenja ne uplati u navedenom roku, ista će biti naplaćena prinudnim putem uz obračunatu zateznu kamatu za vrijeme prekoračenja roka, prema važećim propisima Bosne i Hercegovine.
2. Ovo Rješenje o koncentraciji se upisuje u Registar koncentracija.
 3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljnjem tekstu: Konkurencijsko vijeće) je slijedom vlastitih saznanja, provelo preliminarne istražne radnje i aktivnosti na prikupljanju podataka i dokumentacije kako bi utvrdilo postojanje koncentracije na tržištu nastale nakon što je privredni subjekt Sejari d.o.o. Sarajevo, Blažuj 78, Ilidža, Sarajevo, (u daljem tekstu: Sejari d.o.o.) dana 24.07.2019. godine putem dnevnih novina objavio javnu Ponudu za kupovinu dionica privrednog subjekta Centrotans-Eurolines d.d. Sarajevo, Kurta Schorka 14, 71000 Sarajevo, (u daljem tekstu: Centrotans-Eurolines) te nakon provođenja iste, putem Sarajevske berze postao većinski vlasnik dionica privrednog subjekta Centrotans-Eurolines.

Konkurencijsko vijeće je u postupku istražnih radnji utvrdilo da privredni subjekt Sejari d.o.o. već posjeduje 57.922 dionice u privrednom subjektu Centrotrans-Eurolines, što predstavlja 47,6320% vlasničkog udjela u navedenom subjektu, te ima namjeru da putem predmetne javne Ponude preuzme preostalih 63.681 dionicu, odnosno 52,3680% udjela u kapitalu i na taj način postane većinski vlasnik u privrednom subjektu Centrotrans-Eurolines.

Također, u toku provedbe predmetne istrage konsultovani su svi dostupni javni mediji (dnevne novine, internet stranice) koji su objavili informacije o navedenom slučaju preuzimanja dionica, a između ostalih i službena internet stranica Registra vrijednosnih papira u Federaciji Bosne i Hercegovine (u daljem tekstu: Registar).

Naime, Registar je na svojoj stranici objavio da je predmetna ponuda za kupovinu dionica završena dana 30.08.2019. godine, putem koje je privredni subjekt Sejari d.o.o. kupio 18.465 dionica po cijeni od 46,00 KM, što predstavlja 15,1847% udjela u kapitalu, te da trenutno Sejari d.o.o. posjeduje ukupno 62,8167% udjela u kapitalu privrednog subjekta Centrotrans-Eurolines.

Na osnovu javno dostupnih podataka Konkurencijsko vijeće je saznalo se da je privredni subjekt Sejari d.o.o. većinski vlasnik privrednih subjekata Transturist Tuzla i Autoprevoz bus Mostar.

Konkurencijsko vijeće u svrhu prikupljanja potrebnih podataka o predmetnoj koncentraciji je zatražilo podatke i dokumentaciju od privrednog subjekta Sejari d.o.o. dana 22.10 2019. godine aktom broj: 01-26-10-256-2/19.

Privredni subjekt Sejari d.o.o. je dana 04.11.2019. godine dostavio Konkurencijskom vijeću tražene podatke, te istakao da im nije bila namjera kršiti relevantne zakonske propise o konkurenciji, te da su predmetni javni Poziv za kupovinu dionica privrednog subjekta Centrotrans-Eurolines morali raspisati u skladu sa Rješenjem Komisije za vrijednosne papire FBiH koja im je naložila raspisivanje istog, u skladu sa Zakonom o preuzimanju dioničkih društava (Službene novine Federacije Bosne i Hercegovine broj:77/15), kao i da su mislili da takav način sticanja dionica ne podliježe prethodnoj obavezi prijavljivanja koncentracije.

Uvidom u dostavljenu dokumentaciju, Konkurencijsko vijeće je utvrdilo sljedeće:

1. Učesnici predmetne koncentracije

Učesnici koncentracije su privredni subjekt Sejari d.o.o. Sarajevo, Blažuj 78, Ilidža, Sarajevo, Bosna i Hercegovina i privredni subjekt Centrotrans-Eurolines d.d. Sarajevo, Kurta Schorka 14, 71000 Sarajevo, Bosna i Hercegovina.

1.1. Privredni subjekt Sejari d.o.o.

Privredni subjekt Sejari d.o.o. je društvo sa ograničenom odgovornošću registrovano kod Općinskog suda Sarajevo pod matičnim brojem 65-01-0431-13 (stari broj 1-23484), sa registrovanim sjedištem na adresi Blažuj 78, Ilidža, Sarajevo, Bosna i Hercegovina sa upisanim kapitalom od 2.000,00 KM. Privredni subjekt Sejari d.o.o. posluje u okviru grupe Sejari Holding GmbH Odelzhausen, Carl-Benz-Strasse 5, 85235 Odelzhausen, Njemačka, koji je vlasnik 100% kapitala.

Pretežne registrovane djelatnosti Sejari d.o.o. su trgovina, zastupanje, distribucija i servisiranje poznatih svjetskih marki autobusa.

Privredni subjekt Sejari d.o.o. u Bosni i Hercegovini ima dva zavisna privredna subjekta, Transturist d.d. Tuzla i Autoprevoz-Bus d.o.o. Mostar koji su u većinskom vlasništvu grupacije Sejari Holding GmbH.

1.1.1. Privredni subjekt Transturist d.d. Tuzla

Privredni subjekt Transturist d.d. Tuzla je registrovan kod Općinskog suda u Tuzli pod matičnim brojem: 1-251, sa sjedištem na adresi ul. Bosne Srebrene br.60, Tuzla Bosna i Hercegovina, sa upisanim kapitalom od 7.738.112,00 KM. Prema aktuelnim podacima sa sarajevske berze većinski vlasnik privrednog subjekta Transturist d.d. Tuzla je grupacija Sejari Holding GmbH Odelzhausen, Carl-Benz-Strasse 5, 85235 Odelzhausen, Njemačka sa udjelom od 73,2176 %.

Pretežne registrovane djelatnosti privrednog subjekta Transturist d.d. Tuzla su pružanje usluga u međunarodnom, međugradskom, gradskom i prigradskom prevozu putnika.

1.1.2. Privredni subjekt Autoprevoz-Bus d.o.o. Mostar

Privredni subjekt Autoprevoz-Bus d.o.o. Mostar je registrovan kod Općinskog suda u Mostaru pod matičnim brojem: 1-11072, sa registrovanim sjedištem na adresi Trg Ivana Krndelja br.4 Mostar, Bosna i Hercegovina, sa upisanim kapitalom od 6.461.007,00 KM. Većinski vlasnik privrednog subjekta Autoprevoz-Bus d.o.o. Mostar je grupacija Sejari Holding GmbH Odelzhausen, Carl-Benz-Strasse 5, 85235 Odelzhausen, Njemačka sa udjelom od 100,00 %.

Pretežne registrovane djelatnosti privrednog subjekta Autoprevoz-Bus d.d. Mostar su pružanje usluga u međunarodnom, međugradskom, gradskom i prigradskom prevozu putnika.

1.2. Privredni subjekt Centrotrans-Eurolines

Privredni subjekt Centrotrans-Eurolines je registrovan kod Općinskog suda u Sarajevu pod matičnim brojem: 65-01-0339-11 (stari broj: 1-1675) sa registrovanim sjedištem na adresi Kurta Schorka 14, 71000 Sarajevo, Bosna i Hercegovina i sa upisanim kapitalom od 8.512.210,00 KM. Privredni subjekt Sejari d.o.o. posjeduje 62,8167% udjela u dionicama društva, fizičko lice Čengić Safudin posjeduje 18,7388% i fizičko lice Šaćiragić Muhamed posjeduje 10,0014% udjela, dok su udjeli ostalih lica zanemarljivi.

Pretežne registrovane djelatnosti privrednog subjekta Centrotrans-Eurolines su pružanje usluga u međunarodnom, međugradskom, gradskom i prigradskom prevozu putnika.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekta («Službeni glasnik BiH», broj 18/06 i 34/10).

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekta.

3. Pravni osnov i oblik koncentracije

Pravni osnov predmetne koncentracije je javna Ponuda za kupovinu dionica privrednog subjekta Centrotrans-Eurolines d.d. Sarajevo, Kurta Schorka 14, 71000 Sarajevo, koju je dana 24.07.2019. godine putem dnevnih novina objavio privredni subjekt Sejari d.o.o. Sarajevo, Blažuj 78, Ilidža, Sarajevo. Naime, privredni subjekt Sejari d.o.o. je već posjedovao 57.922 dionice u privrednom subjektu Centrotrans-Eurolines, što predstavlja 47,6320% vlasničkog udjela u navedenom subjektu, te

je predmetnom Ponudom iskazao namjeru da preuzme preostalih 63.681 dionicu, odnosno 52,3680% udjela u kapitalu i na taj način postane većinski vlasnik u privrednom subjektu Centrotrans-Eurolines.

Predmetna ponuda za kupovinu dionica privrednog subjekta Centrotrans-Eurolines d.d. Sarajevo, je privrednom subjektu Sejari d.o.o. naložena od strane Komisije za vrijednosne papire Federacije Bosne i Hercegovine Rješenjem broj: 04/1-19-73/19 od 21.03.2019. godine, u skladu sa Zakonom o preuzimanju dioničkih društava (Službene novine Federacije Bosne i Hercegovine broj:77/15).

Kako je Registar vrijednosnih papira u Federaciji Bosne i Hercegovine na svojoj stranici objavio, predmetna ponuda za kupovinu dionica je završena dana 30.08.2019. godine, putem koje je privredni subjekt Sejari d.o.o. kupio 18.465 dionica po cijeni od 46,00 KM, što predstavlja 15,1847% udjela u kapitalu, te da trenutno Sejari d.o.o. posjeduje ukupno 62,8167% udjela u kapitalu privrednog subjekta Centrotrans-Eurolines.

Slijedom navedenog pravni oblik koncentracije predstavlja sticanje kontrole od strane privrednog subjekta Sejari d.o.o. nad privrednim subjektom Centrotrans-Eurolines, u skladu sa članom 12. stav (1) tačka b) pod 1) Zakona o konkurenciji.

4. Obaveza prijave koncentracije

Obaveza prijave koncentracije postoji ukoliko su uspunjeni uslovi iz člana 14. stav 1) pod a) i b) Zakona, odnosno ako ukupni prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihovo zajedničko tržišno učešće na relevantnom tržištu veće od 40%.

Ukupni ostvareni godišnji prihodi učesnika koncentracije na dan 31.12.2018. godine iznosili su:

Tabela 1.

| | Sejari d.o.o. Sarajevo | Transturist Tuzla * | Autoprevoz-bus Mostar * | Centrotrans- Eurolines |
|---------------|-----------------------------------|--------------------------------|------------------------------------|-----------------------------------|
| Svijet | | | | - |
| BiH | (..)* ¹ KM | (..) KM | (..) KM | (..) KM |

* Prihodi povezanih privrednih subjekata privrednog subjekta Sejari d.o.o.

Prema iznesenim podacima (Tabela 1.) učesnici koncentracije ispunjavaju uslov ukupnog godišnjeg prihoda na tržištu Bosne i Hercegovine iz člana 14. stav (1) tačka b) Zakona, te je na osnovu iznesenih podataka postojala obaveza prijave koncentracije.

5. Relevantno tržište učesnika koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta čini tržište određenih proizvoda/usluga koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

¹*Podaci predstavljaju poslovnu tajnu u smislu člana 38. Zakona o konkurenciji

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Imajući u vidu pretežnu registrovanu djelatnost ciljnog društva, odnosno privrednog subjekta Centrotans-Eurolines, kao i povezanih privrednih subjekata privrednog subjekta Sejari d.o.o. relevantno tržište proizvoda moglo bi se definisati kao tržište prevoza putnika u autobuskom saobraćaju.

Konkurencijsko vijeće je također utvrdilo, kada je u pitanju relevantno tržište u geografskom smislu, da privredni subjekt Centrotans-Eurolines, kao ciljno društvo, kao i povezani privredni subjekti privrednog subjekta Sejari d.o.o. svoju poslovnu aktivnost obavljaju na području čitave Bosne i Hercegovine, pa će se relevantnim tržištem u geografskom smislu smatrati tržište Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište prevoza putnika u autobuskom saobraćaju na teritoriji Bosne i Hercegovine.

5.1. Analiza relevantnog tržišta

Tržišna učešća privrednih subjekata učesnika koncentracije kao i njihovih glavnih tržišnih konkurenata na relevantnom tržištu prevoza putnika u autobuskom saobraćaju na teritoriji Bosne i Hercegovine u 2018. godini:

Tabela 2.

| R.broj | Naziv subjekta | Ukupni prihod | Procenat učešća (%) |
|-----------|---|---------------|---------------------|
| 1 | Centrotans-Eurolines d.d. Sarajevo | (..) | (..) |
| 2 | KJKP Gras d.o.o. Sarajevo | (..) | (..) |
| 3 | Globtour d.o.o. Međugorje | (..) | (..) |
| 4 | Kantić-Touristik d.o.o. Tešanj | (..) | (..) |
| 5 | Babić-Bistours d.o.o. Zenica | (..) | (..) |
| 6 | Transturist d.d. Tuzla | (..) | (..) |
| 7 | Jerry-Trade d.o.o. Visoko | (..) | (..) |
| 8 | DD Gips Tuzla | (..) | (..) |
| 9 | Bocac Turs d.o.o. Banja Luka | (..) | (..) |
| 10 | Holding Drinatrans a.d. Zvornik | (..) | (..) |
| 11 | Autoprevoz-Bus d.o.o. Mostar | (..) | (..) |
| 12 | Ostali | (..) | (..) |
| 13 | Ukupno | (..) | (..) |
| 14 | Ukupno (1+6+11) | (..) | (..) |

Izvor: LRCBIS-profil djelatnosti-šifra 493

Prema dostavljenim podacima ukupni prihodi privrednog subjekta Sejari d.o.o. za 2018. godinu iznose (..)***KM** i navedeni privredni subjekt ne posluje direktno na relevantnom tržištu prevoza putnika, nego indirektno preko svojih povezanih privrednih subjekata.

Prema podacima iz Tabele 2. privredni subjekti Transturist d.d. Tuzla i Autoprevoz-Bus d.o.o. Mostar ostvaruju ukupni prihod od (..)* **KM**, i na relevantnom tržištu prevoza putnika učestvuju sa (..)* **%**

učešća, a sa druge strane privredni subjekt Centrotrans-Eurolines je ostvario ukupni prihod od (..)***KM**, i ima tržišno učešće na relevantnom tržištu prevoza putnika od (..)*%.

6. Ocjena koncentracije

Konkurencijsko vijeće analizom relevantnih podataka prikazanih u Tabeli 2., u smislu člana 17. Zakona, ocijenilo da se provođenjem predmetne koncentracije neće značajno povećati tržišni udio učesnika koncentracije, niti će ista dovesti do narušavanja efikasne tržišne konkurencije na relevantnom tržištu prevoza putnika Bosni i Hercegovini.

Konkurencijsko vijeće je prilikom donošenja Rješenja uzelo u obzir činjenicu da privredni subjekt Sejari d.o.o. ne učestvuje direktno na tržištu prevoza putnika u Bosni i Hercegovini, nego putem povezanih društava koja posluju u okviru grupacije Sejari Holding GmbH, ali koja nemaju značajan udio na relevantnom tržištu prevoza putnika, niti tržišnu snagu koja bi mogla dovesti do narušavanja tržišne konkurencije na relevantnom tržištu.

U skladu sa navedenim, Konkurencijsko vijeće je utvrdilo da predmetna koncentracija ne sprečava, ograničava, niti narušava tržišnu konkurenciju na relevantnom tržištu, te je donijelo odluku kao u dispozitivu ovog Rješenja, u smislu člana 18. stav (2) tačka a) Zakona.

7. Novčana kazna

Konkurencijsko vijeće, u smislu člana 49. stav (1) tačka b) Zakona, može izreći novčanu kaznu do 1,0% od ukupnog prihoda u prethodnoj godini poslovanja radi neprijavlivanja koncentracije, u smislu člana 16. stav (1) Zakona.

Također u smislu člana 48. stav (1) tačka e) Zakona, radi provedbe koncentracije bez rješenja Konkurencijskog vijeća izriče novčanu kaznu gospodarskom subjektu do 10,0% od ukupnog prihoda u prethodnoj godini poslovanja, u smislu člana 18. stav (9) Zakona.

Konkurencijsko vijeće je utvrdilo da privredni subjekt Sejari d.o.o. nije prijavio koncentraciju u zakonom propisanom roku, u smislu člana 16. stav (1) Zakona, odnosno da je javnu Ponudu za kupovinu dionica privrednog subjekta Centrotrans-Eurolines d.d. Sarajevo, objavio dana 24.07.2019. godine, te je shodno tome zakonski rok od 15 dana za prijavu koncentracije istekao dana 08.08.2019. godine.

Konkurencijsko vijeće je prilikom utvrđivanja visine novčane kazne uzelo u obzir i činjenicu da je prije i nakon donesenog Zaključka o pokretnju postupka po službenoj dužnosti broj: UP-03-26-2-035-1/19 od 23.04.2020. godine radi ocjene koncentracije, privredni subjekt Sejari d.o.o. u potpunosti saradivao sa Konkurencijskim vijećem, te dostavio svu potrebnu dokumentaciju.

Na osnovu iznesenoga, Konkurencijsko vijeće je izreklo jedinstvenu novčanu kaznu, u tački 3. dispozitiva ovog Rješenja:

- privrednom subjektu Sejari d.o.o. od 20.000,00 KM, što iznosi (..)*% od ukupno ostvarenog prihoda u 2018. godini, za nepodnošenje Prijave, u smislu člana 16. stav (1), člana 49. stav (1) tačka b) i člana 48. stav (1) tačka e) Zakona.

Konkurencijsko vijeće smatra da izricanje navedene novčane kazne, pored kažnjavanja privrednog subjekta radi kršenja odredbi Zakona, treba imati i preventivan učinak kako bi odvratilo druge privredne subjekte od djelovanja ili nastavka ponašanja koje predstavlja kršenje odredbi Zakona.

U slučaju da privredni subjekt Sejari d.o.o. ne izvrši uplatu novčane kazne u utvrđenom roku, Konkurencijsko vijeće će zatražiti od mjerodavnih tijela prinudno izvršenje iste, te obračunati zateznu kamatu za vrijeme prekoračenja roka uplate novčane kazne, u skladu sa propisima Bosne i Hercegovine.

8. Administrativna taksa

Na ovo Rješenje privredni subjekt Sejari d.o.o. kao privredni subjekt koji je kao sticatelj kontrole bio obavezan podneti Prijavu koncentracije, u skladu sa članom 2. stav (1) tarifni broj 107. tačka d) pod 2) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06, 18/11 i 75/18) dužan je platiti administrativnu taksu u ukupnom iznosu od 25.000,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

mr. Arijana Regoda-Dražić

Dostaviti:

- **Sejari d.o.o. Sarajevo Blažuj 78, Ilidža 71000 Sarajevo**
- **u spis predmeta**